

Sindikata radnika u zdravstvu u Kantonu Sarajevo
Obala Kulina bana 1
Broj: 181/17
Sarajevo, 09.03.2017. godine

ZAPISNIK

sa 13. Redovne sjednice Glavnog odbora Sindikata radnika u zdravstvu u Kantonu Sarajevo održane 09.03.2017. godine sa početkom u 14,15 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Avdić Emir, Balić Amir, Bešić Samir, Bijedić Lana, Brajković Mario, Bukvić Semra, Čaušević Amir, Delihasanović Kemo, Feta Zarif, Gušić Edis, Habul Mirza, Istenić Nermin, Koudeimati M. Bassam, Pekmez Medina Amina, Pepić Feka, Sadiković Senad, Selimić Edo, Zijadić Mustafa zamjena za Šljivo Anela i Tukelija Adnan.

Odsutni članovi Glavnog odbora Sindikata: Hrustemović Dženana.

Za sjednicu je predložen sljedeći dnevni red:

1. Usvajanje Zapisnika sa 12. Redovne sjednice Glavnog odbora Sindikata radnika u zdravstvu u Kantonu Sarajevo održane 02.02.2017. godine
2. Informacija sa sjednice Predsjedništva Nezavisnog strukovnog sindikata radnika zaposlenih u zdravstvu u FBiH
3. Razno

Predloženi Dnevni red je jednoglasno usvojen, uz definisanje tačke razno:

- a) Informacija o kolektivnim pregovorima za Kanton Sarajevo
- b) Izvještajna Skupština Sindikata radnika u zdravstvu u Kantonu Sarajevo

tako da usvojeni Dnevni red glasi:

1. Usvajanje Zapisnika sa 12. Redovne sjednice Glavnog odbora Sindikata radnika u zdravstvu u Kantonu Sarajevo održane 02.02.2017. godine
2. Informacija sa sjednice Predsjedništva Nezavisnog strukovnog sindikata radnika zaposlenih u zdravstvu u FBiH
3. Razno
 - a) Informacija o kolektivnim pregovorima za Kanton Sarajevo
 - b) Održavanje Izvještajne Skupštine Sindikata radnika u zdravstvu u Kantonu Sarajevo

Ad1.

Zapisnik sa 12. Redovne sjednice Glavnog odbora Sindikata održane 02.02.2017. godine usvojen je jednoglasno.

Ad2.

Informaciju sa sjednice Predsjedništva Nezavisnog strukovnog sindikata radnika zaposlenih u zdravstvu u FBiH (u daljem tekstu: NSSRZZFBiH), održane 06.03.2017. godine, podnijeli su Bukvić Semra i Tukelija Adnan, članovi Predsjedništva NSSRZZFBiH i Delihasanović Kemo. Pri tome su istakli da su samo tri kantona dala saglasnost na Federalni Granski kolektivni ugovor, da je u svim kantonima različita visina satnice, te da su prisutne opstrukcije sa svih strana, i to političke prirode, opstrukcije unutar kantona, kao i od Sindikata doktora medicine i stomatologije. Nakon održane sjednice stečen je dojam da većina

kantonalih sindikata nema kapacitet da pomakne stvari sa svoga mjesta, te da ovaj Sindikat, u odnosu na ostale kantonalne sindikate, odskače i po načinu organizacije i po načinu rada. Potom je Edo Selimić upoznao prisutne sa novim prijedlogom Zakona o doprinosima i Zakona o porezu na dohodak.

Informacija sa sjednice Predsjedništva NSSRZZFBiH održane 06.03.2017. godine je primljena k znanju.

Ad3.

a) Kemo Delihasanović i Nermin Istenić, članovi Pregovaračkog tima Sindikata, upoznali su prisutne da su do danas održana 4. sastanka pregovaračkih timova, te da na drugom i trećem sastanku nisu bili prisutni Ministrica i direktor Zavoda zdravstvenog osiguranja Kantona Sarajevo, dok su prvom i četvrtom sastanku prisustvovali svi članovi pregovaračkih timova. Na održanim sastancima, članovi timova su iznijeli stavove Sindikata, odnosno Vlade Kantona Sarajevo, te usaglasili odredbe Granskog kolektivnog ugovora za područje Kantona Sarajevo koje se temelje ili su preuzete iz Zakona o radu i Federalnog Granskog kolektivnog ugovora, a odredbe kojima je definisana plaća i ostale naknade iz radnog odnosa još uvijek nisu usaglašene. Što se tiče satnice, osnovni argument pregovaračkog tima Vlade Kantona Sarajevo je da nema novca za neto satnicu iznad 2,35 KM, te da će oni nastojati reformama ostvariti uštede i usmjeriti ih na povećanje plaća. Pregovarački tim Sindikata je argumentima osporio navode da novca nema, te istakao da Sindikat ne prihvata neto satnicu ispod 2,65 KM. Potom su članovi Glavnog odbora Sindikata zamoljeni da Pregovaračkom timu Sindikata daju instrukcije i sugestije, te dostave podatke koji mogu koristiti u pregovorima. Naredni sastanak je dogovoren za 14.03.2017. godine.

Informacija o kolektivnim pregovorima za Kanton Sarajevo je primljena k znanju.

c) Predsjednik Sindikata upoznao je prisutne da je, shodno Zaključku Glavnog odbora Sindikata, poslat dopis Rožajac Suadu i Horozić Bosanku sa pozivom da se pisano očituju da li će prisustvovati i rukovoditi radom Izvještajne Skupštine Sindikata ili ne. U ostavljenom roku po pozivu se izjasnio Horozić Bosanko, dok se Rožajac Suad nije odazvao pozivu. S obzirom na navedeno, a imajući u vidu redovne radne obaveze predsjednika Sindikata i činjenicu da su u toku kolektivni pregovori za Kanton Sarajevo, Glavni odbor Sindikata je jednoglasno donio

ODLUKU

da se Izvještajna Skupština Sindikata radnika u zdravstvu u Kantonu Sarajevo održi nakon okončanja kolektivnih pregovora

Članovi Glavnog odbora Sindikata su upoznati da će im se na sljedećoj sjednici Glavnog odbora Sindikata uručiti kopije ranije dostavljenih spiskova članova osnovnih sindikalnih organizacija kako bi iste korigovali, nakon čega će se ažurirati i Baza podataka Sindikata.

Sjednica je završena u 15,40 sati.

Napomena:

Sastavni dio ovog zapisnika je tonski snimak rada 13. Redovne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić